

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članovima 51. stav (2) i 52. stav (1) i (3) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), na prijedlog Kantonalne uprave civilne zaštite, Vlada Zeničko-dobojskog kantona, na 67. sjednici, održanoj dana 14.02.2025. godine, d o n o s i

ODLUKU

o usvajanju Programa utroška budžetskih sredstava Kantonalne uprave civilne zaštite, pozicija „Kapitalni transferi drugim nivoima vlasti” – Izvor 10

Član 1.

(Predmet)

- (1) Usvaja se Program utroška budžetskih sredstava Kantonalne uprave civilne zaštite, pozicija „Kapitalni transferi drugim nivoima vlasti” – Izvor 10, i čini sastavni dio ove odluke.
- (2) Utrošak sredstava vršit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615 100, pozicija „Kapitalni transferi drugim nivoima vlasti“ u ukupnom godišnjem iznosu od 200.000,00 KM.

Član 2.

(Način realizacije sredstava)

Sredstva planirana Programom utroška budžetskih sredstava iz člana 1. ove odluke, realizirat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu i planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade.

Član 3.

(Realizacija Odluke)

Za realizaciju ove odluke zadužuju se Kantonalna uprava civilne zaštite i Ministarstvo finansija, svako u okviru svoje nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko – dobojskog kantona“.

Broj: 02-11-2749/25

Datum, 14.02.2025. godine

Zenica

PREMIJER

Nezir Pivić

DOSTAVLJENO:

1x Kantonalna uprava civilne zaštite,

1x Ministarstvo finansija,

1x „Službene novine Zeničko-dobojskog kantona”,

1x a/a.

PROGRAM

utroška budžetskih sredstava Kantonalne uprave civilne zaštite, pozicija “Kapitalni transferi drugim nivoima vlasti” – Izvor 10

Član 1.

(Svrha programa)

Svrha programa jeste da se odobrena sredstva iz Budžeta Zeničko-dobojskog kantona za 2025. godinu (“Službene novine Zeničko-dobojskog kantona”, broj: 25/24), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti“- Izvor 10 u ukupnom godišnjem iznosu od 200.000,00 KM, iskoriste za pomoć lokalnim zajednicama za opremanje i obučavanje njihovih struktura civilne zaštite, za pomoć u izgradnji skladišta civilne zaštite, za saniranje šteta nastalih prirodnim i drugim nesrećama, za hitne mjere intervencije, za prevenciju klizišta, putne komunikacije i riječnih korita.

Član 2.

(Visina sredstava)

Visina sredstava utvrđenih ovim programom iznose 200.000, 00 KM (slovima: dvijestotinehiljada konvertibilnih maraka).

Član 3.

(Izvor sredstava)

Izvor sredstava: Budžet Zeničko-dobojskog kantona za 2025. godinu (“Službene novine Zeničko-dobojskog kantona”, broj: 25/24), razdjel 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti“.

Član 4.

(Kriteriji utroška sredstava)

Kriteriji utroška sredstava: Kriteriji proizilaze iz Odluke o uslovima i načinu korištenja sredstava ostvarenih po osnovu naknade za zaštitu od prirodnih i drugih nesreća („Službene novine Federacije BiH“, broj: 4/12 i 80/13).

Član 5.

(Kategorija korisnika sredstava)

Kategorija korisnika sredstava: Lokalne zajednice (općina, grad, MZ).

Član 6.

(Realizacija sredstava)

- (1) Ukupno planirana sredstva u koloni Budžeta, Izdaci iz budžeta - Izvor 10, na poziciji budžeta “Kapitalni transferi drugim nivoima vlasti” realizovat će se dijelom iz budžetskih sredstava i dijelom iz sredstava primljenih tekućih transfera Vlade Federacije BiH (potpore iz Budžeta Federacije BiH), u skladu sa Odlukom koju će donijeti Vlada Zeničko-dobojskog kantona o visini i namjeni utroška sredstava.
- (2) Sredstva za provođenje ovog programa će biti utrošena za projekte za koje se ukaže potreba u tekućoj godini, a koje odobri Vlada Zeničko-dobojskog kantona.

Član 7.

(Izvještavanje)

O utrošku sredstava po ovom programu, Kantonalna uprava civilne zaštite dužna je polugodišnje izvještavati Vladu Zeničko-dobojskog kantona.

Član 8.
(Realizacija Programa)

Za realizaciju sredstava po ovom programu zadužuje se Kantonalna uprava civilne zaštite i Ministarstvo finansija, svako u okviru svojih nadležnosti.

Broj: 02-11-2749/25
Datum, 14.02.2025. godine
Zenica

PREMIJER

Nezir Pivić

DOSTAVLJENO:

1x Kantonalna uprava civilne zaštite,
1x Ministarstvo finansija,
1x “Službene novine Zeničko-dobojskog kantona”,
1x a/a.